



Beeld: ©NP/Hollandse Hoogte/ Robin Utrecht

8 di sèptèmber 2023

Den e notisiero anterior nos a wak bek riba konmemorashon di e pasado di sklabbitut ku e spich di Rei den Oosterpark i komienso di e Aña di Konmemorashon Pasado di Sklabbitut. Un momentu bunita i históriko, den kua Rei a ripití e diskulpanan ku e gabinete a hasi anteriormente i a pidi pordon. Nos a finalisá e notisiero anterior ku zomer den kurpa.

E siman despues sinembargo e gabinete a kai. Komprendibel ku ta surgi e pregunta ki impakto esaki tin riba e aktividatnan pa e fail pasado di sklabbitut. Pasado di sklabbitut hulandes i e influensia di esaki tin hopi atenshon sosial i un impakto grandi. P'esei, contenido di e trayekto aki lo sigui bou di e gabinete demishionario sin kita sin pone. Lo kontinuá ku elaborashon di e programa i e konsultanan destiná pa esei, manera steering group ministerial, lo sigui tuma lugá. Na desèmber lo bolbe organisá un enkuentro ku e mandatarionan en kestion i esnan direktamente involví, pa papia tokante e progreso i e kontinuashon. Despues nos ta bolbe manda un reportahe di progreso pa Tweede Kamer. Awor, ainda nos no por anticipá riba loke ta bira rumbo di un gabinete nobo ku un akuerdo di gobernashon nobo.

Den e lunanan di zomer ku ta tras di lomba, a sigui traha duru pa pone e base nesario pa tuma pasonan mas aleu den ehekushon di e Programa Pasado di Sklabbitut.

Fuera di kaida di e gabinete, den Ministerio di Asuntunan Interno i Relashon den Reino tambe tin un desaroyo. A nominá Minister Hanke Bruins Slot dia 4 di sèptèmber, i entretantu el a tuma funshon di e minister demishionario di Asuntunan di Eksterior. E ta sigui Wopke Hoekstra ku nan a nominá komo e Komisario Oropeo Hulandes nobo na Bruselas. Minister Hugo de Jonge lo tuma over e tareanan komo Minister di Asuntunan Interno. Sekretario di Estado Alexandra van Huffelen despues di despedida di Minister Hanke Bruins Slot lo bira e mandatario koordinadó pa kontinuashon di e diskulpa pa e Pasado di Sklabbitut. Últimamente, e Sekretario di Estado, huntu ku tur partido involví, tantu na e islanan karibense komo na Hulanda, a hasi tur esfuerso pa e Programa Pasado di Sklabbitut. E konosementu i eksperensia ei e ta trese komo mandatario koordinadó. Asina, e fail importante aki di Pasado di Sklabbitut ta mantené kontinuidat i e cambio no tin konsekuensia pa contenido di e programa. E minister di BZK ta mantené su envolvimentu i responsabilidat ku e fail aki for di su propio portafolio, ku ta inkluí aserkamentu di rasismo i diskriminashon.

Fuera di e desaroyonan aki, den e di sinku notisiero aki, nos ta splika bo e planifikashon for di e Programa Pasado di Sklabbitut pa e periodo benidero. A kompartí esaki promé, den e karta di progreso di 23 di yüni pasá na Tweede Kamer, pero ta bolbe ofresé nos tur un idea kla un ratu di unda lo enfoká atenshon den e periodo benidero.

Hibamentu di kombersashon sin stòp ku e komunitatnan i ku sosiedat en general atrobe ta forma un parti importante di esei. Entretantu nos a kontratá un ofisina ku ta bai yuda nos ku organisashon i intensifikason di e kombersashonnan importante aki. Den promé instansia, e kombersashonnan ta enfoká riba yega na contenido pa e Komité i e Fondo di Konmemorashon. Gustosamente nos ta introdusí e hendenan ku ta kontribuí na esaki na boso den e notisiero aki.

Tambe, brevemente nos lo wak bek riba entrega di e buki di ensayo 'Doorwerkingen van het Slavernijverleden' (Influensia di e Pasado di Sklabitut) di e komishon di estado kontra diskriminashon i rasismo i Konmemorashon di e Dia di Lucha pa Libertat.

Bista padilanti

Den hèrft di 2023 te den primavera di 2024 lo traha riba:

1. E areglo pa inisiativa sosial (pa un solo biaha € 100 mion disponibel pa henter e Reino i Sürnam)
2. E Komité di Konmemorashon (€8 mion strukturalmente disponibel pa henter e Reino)
3. E intensifikashonnan di maneho (pa un solo biaha € 100 disponibel pa henter e Reino i Sürnam)

Nos konosé e siguiente planifikashon pa esei:

Òktober 2023

Parti Karibense di e Reino

1 i 2 di òktober seshon Catshuis Karibe. Den kolaborashon ku diferente stakeholder for di e region di Karibe lo organisá un 'seshon Catshuis Karibe'. Den presensia di e Sekretario di Estado pa Relashon den Reino i Digitalisashon, e dos dianan aki lo konsentrá riba loke ta sigui e diskulpanan di 19 di desèmber 2022, den kua nos lo wak bek riba e periodo ku ta tras di lomba i tambe huntu wak padilanti. Nos lo papia tokante kuadronan di kontenido pa e Komité di Konmemorashon, e areglo pa inisiativanan sosial i e intensifikashonnan di maneho. Entretantu e invitashonnan pa e enkuentro aki ta mandá.

Hulanda Oropo

Start seshonnan di diálgo Hulanda Oropo: E serie di 6 seshon di diálgo ta start na Hulanda Oropo. Huntu ku esei, na diferente lugá na Hulanda tambe ta hiba e kombersashon pa haña kuadro pa e Komité di Konmemorashon i e areglo pa inisiativanan sosial i e intensifikashonnan di maneho.

Novèmber 2023

Parti karibense di e Reino

Kontinuashon di kombersashonnan den parti Karibense di e Reino

Hulanda Oropo

Kontinuashon di seshon di diálgo na Hulanda Oropo pa buska kuadro pa e Komité di Konmemorashon, e areglo pa inisiativa sosial i e intensifikashonnan di maneho.

Desèmber 2022

Hulanda Oropo

Seshon Catshuis pa Hulanda Oropo, siguiendo e seshon den e Provinciehuis di yùni pasá. Den e seshon aki nos lo kompartí i tèst e konklushonnan for di e seshonnan di diálgo serka e grupo di invitado mas promé (esnan direktamente involví den e programa i desendientenan)

Karta di progreso pa Tweede Kamer: konklushonnan for di e seshonnan di diálgo i e diseño pa resto di e proseso. Den e proseso ei nos ta tene kuenta ku e promesanan ku e areglo pa inisiativa sosial pa mas tardá lo ta kla den primavera di 2024. E Komité di Konmemorashon pa mas tardá lo ta kla den verano di 2024.

Naturalmente, Asuntunan di Eksterior tambe ta involví den e elaborashonnan akiriba. Nan ta suministrá trabou na midí pa Sürnam i e diálgo einan. Lo inkluí e logro ei tambe den e konklushonnan i e liñanan kòrá.

Seshonnan di diálgo Pasado di Sklabitut

Den hèrft di e aña aki, nos ta organisá entre 6 pa 8 seshon di diálgo plamá den e pais pa tende kon e Komité di Konmemorashon pa e pasado di sklabitut mester mustra, i kon mester organisá e areglo (€100 mion) pa inisiativanan sosial.

Ta importante pa mas tantu hende i organisashon posibel por partisipá. P'esei nos a pidi un ofisina spesialisá i independiente pa organisá e diferente seshonnan di diálogo aki. Vários ofisina por a ofresé nan oferta pa e enkargo aki, despues di lokual a skohe un ofisina basá riba algun kriterio di selekshon. Determinante pa e eskoho aki tabata e forma ku e ofisina a konstruí e tim i kua eksperensia nan tin ku organisashon di diálogo ku tin un impakto sosial grandi.

E ofisina ku a skohe ta yama TrueTalk. E tim sentral ku nan ta hasi uso di dje pa e enkargo aki ta konsistí di 8 persona ku diferente trasfondo:

- Bart van de Ven
- Mercedes de Miranda
- Kenneth Erselina
- Gilberto Morishaw
- Shantie Singh
- Roan Lamp
- Rebecca Streng
- Laura Kahnt

E siman aki, TrueTalk a kuminsá hasi kombersashonnan dieksplorashon. Nan ta hasi esei huntu ku esnan direktamente involví. Nan ta inventarisá kiko desendiente i otronan involví ta haña ta importante den organisashon di e seshonnan di diálogo. Pensa na preguntanan manera: Kon nos por drenta den kombersashon ku mas tantu hende posibel? Kua tópikonan nos ke diskutí? Na kua lugánan nos ta hasi esei, kon nos ta hasi partisipashon den e kombersashonnan aki mas aksesibel posibel pa tur hende? Abo tin idea òf pregunta tokante esei? Gustosamente nos ke tende esei. Manda un e-mail pa dialoogsessies@truetalk.nl.

Buki di ensayo influensianan di e pasado di sklabilitut

Dia 3 di yúli pasá, e komishon di estado kontra diskriminashon i rasismo a ofresé presidente di Tweede Kamer un buki di ensayo skibí riba nan enkargo. E komishon di estado a pidi dies científiko pa skibi un ensayo tokante e medida i e manera ku por papia di influensianan di e pasado di sklabilitut transatlántiko. Ku komo meta pa komprondé e posibel influensianan aki mas mihó i asina haña mas komprehenshon di e pasado komo kousa di e situashon den presente.

E buki ta optenibel grátis i por download e via un link riba nos site;

<https://www.staatscommissietegendiscriminatieenracisme.nl/onderzoek/publicaties/publicaties/2023/07/03/index>



Konmemorashon di e dia di e lucha pa libertat

Djaweps dia 17 di ougùstùs, e Minister di Asuntunan Interno i Relashon den Reino di e tempu ei, Hanke Bruins Slot, a presensia e lektura tokante Tula den Mauritshuis na Den Haag. NiNsee ta organisá e lektura tur aña.

Tula, ku tabata sklabisá, dia 17 di ougùstùs 1795 a rebeldiá kontra sklabilitut, i mester a paga pa su resistensia ku su bida. For di 2010 kaba na Kòrsou a proklam'è héroe nashonal. Konforme e promesanan di e gabinete despues di e diskulpanan di 19 di desèmber 2022, dia 3 di òktober benidero e rehabilitashon di Tula lo tuma lugá.

Oradó di e anochi tabata Suzy Römer, eks-minister na Kòrsou i dos biaha promé minister di Antia Hulandes di ántes. Römer a papia tokante organisashon polítiko di Kòrsou i e otro islanan i e influencia di e pasado di sklabilitut einan. Tambe el a eksponé e historia di Tula i su influencia riba e resistensia kresiente kontra sklabilitut despues di su morto. Su lektura, ku komo tema “Tula: E rebelde inmortal,” tabata un yamada fuerte pa sigui ku e herensia di Tula den presente. Durante e ronda di pregunta ku a sigui, a surgi un debate interesante tokante e envolvimentu di hóbennan den kombate di influencia di e pasado di sklabilitut. Un tópiko na lokual ainda mester presta hopi atenshon.

Dia 17 di ougùstùs Roald Lapperre, direktor-general di Relashon den Reino na BZK, tabata presente na e konmemorashon di e Dia di Lucha pa Libertat na Kòrsou. Durante e konmemorashon aki a ilustrá e resistensia di Tula pa medio di diferente ekspreshon kultural.

Finalmente

Tin tópiko ku lo bo deseá di bolbe lesa den e notisiero aki, òf bo ke drenta den kombersashon ku nos? Gustosamente nos lo tende esaki. Bo por aserká nos via: PostbusProgrammaSlavernijverleden@minbzk.nl